



UNIVERSITÄTS-  
BIBLIOTHEK  
PADERBORN

## **Codex diplomaticus Brandenburgensis**

Sammlung der Urkunden, Chroniken und sonstigen Quellenschriften für  
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

**Riedel, Adolph Friedrich**

**Berlin, 1865**

CLIII. Kurfürst Albrecht bestätigt die Rechte der Städte Berlin und Köln, am  
8. März 1473.

---

---

**Nutzungsbedingungen**

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

zu dem gericht, vnd gibt von den andern dreyen huben XV scheffel rocken, XV scheffel habern vnd helt ein lehenpferd, angeflagen fur 1 schock. Item Caspar Mermann hat vier huben, davon gibt er X scheffel rocken. Item Munchberg hat VI huben, gibt darvon XV scheffel rocken vnd XXVI gr., die nymbt heinrich Hohweck. Item der Burckhartin houe gibt 11 gr. vnd 11 huner, item das halb kirchenlehen In dem obgenanten dorff, facit 1 schock, item das halb oberst vnd nyderst gericht daselbst, facit 1 schock, item den halben zehenden daselbst, angeflagen fur VI gr., item die halben rauhhun, item 11 wispel haberns In dem genannten dorff zu Mernn, die er von Niclas glogaw, Vogt zu Spandaw, erkaufft hat. Actum coln an der Sprew, am Sampstag nach purificat. marie, Anno domini etc. LXXIIten. Summa XXX schock XIII gr., dabat XLIIII gulden, habet litteram et est recognita.

Nach dem Churm. Lehns-Copialbuche Vol. XI.

**CLIII. Kurfürst Albrecht bestätigt die Rechte der Städte Berlin und Köln, am 8. März 1473.**

Wir Albrecht, von gots gnaden Marggrave zu Brandenburg, des heiligen Römischen Reichs Ertzcamerer vnd Churfurste, zu Stetin, Pomern, der Cassuben vnd Wenden Hertzog, Burggrave zu Nürnberg vnd Furste zu Rugen, Bekennen vnd thun kunt öffentlich mit diesem brive gegen allermeniglich, das wir vnsern Borgern der Stete Berlin vnd Coln, die noch sein vnde noch czukomende sein, vnsern lieben getrewen, bevestet vnd bestetiget haben, bevesten vnd bestetigen Ine mit diesem brive alle ire Freyheiten, alle ire rechtikeyt vnd alle ire gewonheyt, vnd wollen vnd sollen sie lassen behalten bey eren vnd gnaden, darbey sie in vorgangenen getzeiten sind gewesen. Auch wollen wir vnd sollen Ine halten alle ire brive, die sie haben von Fursten vnd Furstynnen, vnd wollen vnd sollen sie sunder allerley hinderung lassen vnd behalten mit allen gnaden, mit allerley freyheite vnd rechtikeyt, by allen iren eygnen, lehen vnd erben, als sie das vor haben gehabt vnd besessen. Auch wollen wir vnd sollen Rittern, knapen, borgern vnd gebawren vnd allen lewten gemeinlichen, beyde geistlichen vnd werntlichen, halten ire brive, vnd wollen sie lasen bey irer freyheit, bey allen rechten vnd gnaden. Auch sollen vnd wollen wir vnd vnser nachkomeling das mit nichte zugefaten oder geuolborten noch gonnen, das sie oder ire nachkomeling vns irer Steten geladen werden, ane vmbe hanthafte tat; Sondern sie sollen zu rechte stehn vor iren Schulden. Were es auch, das Ine oder iren nachkomelingen ennige brive vorgingen oder vorgangen weren, die sollen wir vnd wollen vnd vnser nachkomeling von worte zu worte nach dem lawt der brive bestetigen ane gift vnd ane gabe, vnd auch von vnsern amptlewtten nymmer in keynen czeiten gehindert, geirret oder gekrenket, noch von der Marck verweyset sollen werden in keinerley weyß; sondern sie darbey vngehindert, vngeirret ewiglich bleiben in allermaße, als sie von alter her gewest sein. Auch das sie den ewigen pfenning, den sie gekauft haben, ewiglichen sollen behalten, ane allerley hinderung vnser vnd vnser nachkomen, als sie des von vnsern vorfarn Marggraven zu Brandenburg, brive haben. Mit vrkunt des brives, versigelt mit vnserm anhan-

genden Inſigel, der gegeben iſt zu Coln an der Sprew, am montag nach dem Sontag Invocavit, nach Criſti vnſers heren geburt virtzehnhundert, darnach im drey vnd ſibentzigſten Jaren.

De ſpeciali commiſſione dom. Marchionis Fridericus,  
Episcopus Lubucenſis.

Aus dem Orig. im Berl. Stadt-Archiv.

#### CLIV. Belehungen Berliner Bürger, vom Jahre 1473.

Wyr Albrecht etc., Bekennen, — das wyr vnſern liuen getruwen Peter, Jacob vnd Hans, gebruder, die Markowen gnant, Burger in vnſer Stat Berlin, diſſe nachgeſcriben guter, jerliche cziſe vnd Rente, die dann jr vater Seliger von vns vnd der Marggraueſchafft zu Brandenburg bey ſeinem leben zu lehne gehabt, beſeſzin vnde vff ſie als ſein rechte lehns erben bracht hatt, zu Rechte an manlehn vnd geſampter hant gnediglichen gelyhen haben, myt nahmen jm dorff Hinrichsdorff vff Bruker Lomen hofe vnde ſiben hufen ein wiſpel roggen, ein wiſpel habern, ein ſchock groſſchen, ſiben hunre vnde den czehenden, vff Andreas Molner hoff vnd drey hufen achtzehn groſſchen, vff Burckart Sperlingk hoff vnd ſechs hufen ſechs vnd dryſſig groſſchen, vff Peter Molner hoff vnd drey hufen Achtzehn groſſchen, vff alde Molner hoff vnd ſechs hufen Sechs vnd dryſſig groſſchen vnde dreizehn hunere vnd den czehenden; Item der ſchulte gibt ein ſchock vor das lehnpfert vnd czwelf groſſchen vor czwei hufen; vff Mertein Czymmerman hofe vnd vir hufen XXIIII groſſchen oder acht ſcheffel Roggen vnd VIII ſcheffel habern, vff Vincencius Kruger hoff vnd funf hufen ein halb ſchock, vff Junge Hans Molner hoff vnd III hufen XXIIII groſſchen, Item das gotshaws gibt ſechzig groſſchen vor ein hufen, Item kirchendiſt vnde lehn, obirft vnd nyderft vber alle hofe mit allen greſſingen, weyden, waſſern, holtzen vnde aller zugehorunge, das Straſſenrecht, yberft vnd nyderft gericht. Item jm dorffe Schildow vff Schulden Czweren hufen vnd hoff XIII groſſchen an czwene pfenning, vff Jeſper Stengenbagen hofe vnd ſechs hufen XXXVIII groſſchen, II penninge vnd II huner, Item die weſe gibt XXII groſſchen vnde I ſchock ſtroe, vff Claws Bordenick hoff vnd III hufen VI vnd XX groſſchen, II huner vnd V eyger, vff Jaſpar Smidt hoff vnd III hufen VI vnd XX groſſchen, V huner, V eyr, vff Kerſtian Lichterfeld hoff vnd VI hufen XIII groſſchen ane II penninge, II huner, V eyr, vff Bartolomeus Botdiker hofe vnd III hufen VI vnd XX groſſchen, II hunre, V eyr, Item vff Pek hoff X groſſchen, Item vff Mertein Peper hofe VI groſſchen, III huner vnd X eyer, Item vff den wuſten hoff darnach VIII groſſchen, X eyr, Item vff Kykendorff IX groſſchen, VI hunere, XV eyr, vff Baltz Helt hofe VI groſſchen, II hunre, X eyer, vff Haken hoff III groſſchen, II huner, X eyr, I firth mahn, vff Henynck Trefkows hoff vnd III hufen VI vnd XX groſſchen, III huner vnd X eyer, vff den wuſten hof gegin deme gerichte X groſſchen, III hunere vnd X eyr, vff Jorgen Lichtefelds hoff vnd III hufen VI vnde XX groſſchen, II hunere, X eyr, vff Palm Bentz hoff VI groſſchen, II hunere vnd X eyr, I firth mahn vnd V firth Sennep, vff der molne XXX ſcheffel roggen, Item de Rorweſen, de Hans Brackow von Hoppenraden gekauft hat, gelegin kegin Lubartzan, die geft I ſchock.